

per Connaciam, *Linnus*, & *Moadus*, per Kenelcunilliam, Slicheiam, & Samairam: *Modarnus* vero & *Fur-*
nus per Keneleoniam, & alia plurima. Inter omnia vero flumina Hiberniæ non immerito principatum *Synne-*
us obtinet, tam quantitatis suæ majestate longisque terrarum excursibus, quam fecundissima piscositate. Cæ-
 terum flumina & Lacus suis sibi innatis fecunda sunt piscibus. Terra inæqualis est & montosa, mollis & a-
 quosa. In summis Montium verticibus stagna reperies & paludes. Pecore Montes, nemora Feris abundant. De
 mari quod Hiberniam & Britanniam interluit sic scribit Solinus: *Mare quod inter Hiberniam & Britanniam* *Mare,*
interluit, undosum & inquietum, toto in anno, non nisi æstivis pauculis diebus est navigabile. Sed errat. Satis enim trā-
 quillum est, nisi ventorum vi agitetur. Et non solum æstate, sed etiam summa hyeme, vectores ultro citroque
 navigant. Marinis autem piscibus per omnia latera maritima, satis abundat. Habet Hibernia in universum
 Comites triginta tres. Archiepiscopos quatuor. *Armachensem* totius Hiberniæ Primatem: *Dublinensem,*
 Hiberniæ Primatem: *Cassiliensem, & Toamensem.* Et hi quatuor viginti novem Suffraganeos habent. *Hi-* *Mores,*
 berna ex Incolarum moribus in duas partes distribuitur. Qui enim legibus teneri recusant & incultius vivunt
Irishie, & vulgo *Wild Irish*, id est, sylvestris Hibernici vocantur. Qui vero Legum potestatum sanctam habet,
 & judiciis se listunt, *Anglo-Hibernici* dicuntur, & eorum regio *The English Pale*: Anglicè, naturaliter & incor-
 rupte loquuntur; Hibernice tamen norunt, propter quotidiana commercia. Hibernici primarios quosdam
 Tyrannos habent, quorum imperio plures tenentur: sub Anglico jure & imperio, nisi simulare & quamdiu An-
 gli milites eorum territoria depopulantur, non vivunt. Iudicia tamen propter deprædationes frequentes,
 & furta nocturna certis temporibus & locis constituunt. Illic reorum qui acculantur, proprium est: Nego. Si
 convincantur, ad litem æstimandam quosdam arbitros, quos illi *Brehonios* appellant, adhibent. Isti sunt ex una
 familia profeminati, qui quamvis intelligentiam juris non habeant, vulgo tamen propter arcanam quamdam
 scientiam ac moribus acceptam, quasi divini habentur. Militia eorum partim equestris, partim pedestris est. E-
 quites habent Equos valde tractabiles, quos sine ullis adminiculis, etiam loricati insiliunt. Hastas bene ponde-
 rosas circa medium manibus prehensas supra capita in hostem vibrant. Inter pedites quidam sunt sagati mili-
 tes valde robusti, quos *Galeglacios* vocant, & tela pedalia securibus similia, eaque gemina, cultris tonforiis acu-
 tiora, longiusculis hastilibus affixa gerunt, & totius Hibernici belli fundamentum ac robur sunt. Secundum
 locū obtinent Pedites levis armaturæ machærophori, qui *Karni* dicuntur, & neminem occisum putant nisi capite
 truncatum. Tertio loco sunt cursores, quos *Daltinos* vocant, qui inermes incedunt & ministros se præbent e-
 quitibus. Totus autem tam equitatus quam peditatus, quoties ad manus venit magna voce *Pharro Pharro* *Uibhu,*
 inclamat: & tibia utriculari loco tube utitur. Cœnant Hibernici magnificè & opiparè. Nam licet delicatis Ar-
 tolaganis minime abundant, nec etiam ulla urbana in epulis lautitia adhibeatur, mensas tamen habent, Bove,
 Porco, & aliis cibariis, prout temporum observatio exigit cumulatissime instructas. In epulis accumbunt lectu-
 lis positis. Primus in mensa locus tribuitur Matri familias, stulari tunica, & sæpe crocora, bene manicata amictæ.